

FANCH-COZ,

PE

PERAC HAC ABALAMOUR ;

HA

MICHEL-PIPI,

PE

AR FARCER BRETON.



E MONTROULEZ ,
E ty LÉDAN , Imprimer-Librer. — 1869.

MIGNON LENNER,

Cetu amà c'hoas ul Levric pehini marteze, a ello plijout d'ec'h, dre ma ranferm meur a dra agreabl da c'houzout.

Beza e zeus, evit gür, levriou gallec, e pere e zeo ranfermet an traou-mà oll; mes evit o c'hompren en zeo ret gouzout ar gallec : da c'hortos se, ec'h ellot bepret desqi ar pezh so ranfermet en emà, e *Simon a Vontroulez*, e *Beilladegou tud divar ar Meaz*, e *Guiziegues ar Pautr Còs Richard*, er *C'honferançou Curius*, etc. Rac, evel e leverer : da c'hortos caout boutou un den maro, e renquer bale diarc'hen. Felvezout a ra d'ln lavaret penos e tleer bepret profita hac orni ar speret demeus al levriou mad a so scrifet e brezonec, da zeport ma vezo disqet ar gallec; rac certen mad eo en em angravo dounnoc'h er speret, hac e vezo calz muioc'h a blijadur o lenn ar pezh a gompren, eguet o lenn ar pezh na gompren get.

Dre ma zeo an descadurez un ezom, ma zeo ar studi un dever, e vez mezus nonpas ellout en em renta cont demeus ar remercou simpla a sco bemdez hon daoulagad : a hend all, ha na gaver get er memes amzer er studi plijadur ha profit?

Yaouanc ha còs e qestioner, hac e c'houlenner alies PERAC? Rac-se eta, evit ho contanti, hon eus s'ojet ober al Levric-mà, evit ellout amusi ur momentic benac al Lenner.





FANCH-COS

HA

MICHEL-PIPI.



G. *Perac en amzeriou tom, ha dreist oll en un amzer arneu, e zomp-ni lourd, scuis ha dies?*

R. Abalamour an ear sqignet dre an domder pe carguet a c'hlebor, na boez mui varnomp gant nerz avoalc'h evit delc'hel ingalamant an hini en em gav en diabars ar c'horf, hac an ear interior-se ouz en em sqigna, a occasion ar genamant a santomp neuze.

G. *Perac e crev ar c'histin gant trous, pa n'o faouter get gent o laqat el ludu tom?*

R. Abalamour an ear ranfermet dindan ar blusqen, o tont d'en em sqigna dre an domder, a agis gant qement a nerz, evit en em digueri ur passach, ma eprouv qement a resistanç; evelse ive pa vez teo ar blusqen, en em fraill gant trous bras. Na êru get se, pa ve faou-

tet ar guistinen; rac an ear, ouz en em sqigna, a guev ur passach dre behini ec'h achap libramant.

G. Perac, pa laqer dour pe vin en ur voutaill gant un antonouer, e saill hep m'en em garg ar voutaill?

R. Abalamour an antonouar a stouf just gouzoug ar voutaill, ha na lèz nep passach d'an ear interior, pehini o veza chasseet dre an dour, eus a behini ar poez a so crénvoc'h eguet hini an ear, a so forcet da sortial dre digor an antonouer, hac a bouls an dour.

G. Perac, pa rër tân, e pign ar mogued?

R. Abalamour an ear a encern an tân, o veza sqignet dre an domder, en em sav varzu an nec'h, en eur dreina al lodennou vian eus ar mogued, pere a so scànvoc'h eguet re an ear; evelse un dra scànv, plonjet en dour, a deu atao var gorre.

G. Perac e varv ar pesget en ur stanc, pa vez scornet stard ar stanc?

R. Abalamour an ear necesser d'o alañad, ha dre se d'o buez, na ell mui êruout en o bete. Important bras eo eta ober toullou e meur a andret eus ar scorn.

G. Perac na dleer get laqat an dud beuzet o fenn d'an traon?

R. Abalamour ma zeo nebeutoc'h an dour o deus evet e deus o asphixiet eguet ar manq eus a droydelladur an ear; mar laqer eta o fenn d'an traon, e zeo ur güir voyen d'o moug, en eur brodui un dastum goad etrezec

an empen. Ret eo, evit o c'helvel d'ar vuez, essât retabliissa troydelladur ar goad dre un domder moderet, dre frotteres, dre implich liqueuriou crén ; red eo c'hoecza, gant ar guenou, en o frounellou, hac en o guenou memes, ha dreist oll, o zalc'hel astennet en eur situation naturel.

G. Perac, en eur c'hao leun a vîn en goïdiguez, ur c'houllaouen na ell get chom alumet ?

R. Abalamour ar vorennoù pere a achap eus ar güin neuze, hac a ramplac an ear, ne dint get a natur na da antreteni nac an tân nac ar vuez ; rac un den pehini a blantfe e fri e toul bond ur variqen vîn e goïdiguez evit rusla ar voren, a goësfe reud maro, evel scôet gant ar gurun. Guelet e zeus meur a exempl.

G. Perac, pa bourmener var ar meaz epad nosvezioù caer an nevez-amzer hac an discar-amzer, an dillad en em c'holo a c'hlebor ?

R. Abalamour tomder an deiz a sav e morennou, moguedennou, pere, ouz en em yena, adalec ma en deveus achuet action an eol, en em stard hac a gouez a nevez en glao meurbet fin : se eo ar pez a c'halver ar gouzien.

G. Perac ar plant hac an deillou a so goloet a vanac'hou dour goude un nosvez gaer a amzer nevez pe a ziscar-amzer ?

R. Abalamour ar voren a so en em savet epad an

PRONOSTICOU EVIT AR GLAO.

Ar glao a c'hlebor an douar hac a sqign ar frescadurez hac ar frouesidiguez; carga a ra an ear a vorennou teo, a denn ar plant dezo, dre o deillou ha dre o c'hroc'hen. N'en deo nemet dre se en em vev ar plant eus ar vroyou sec'h ha sablonus.

Tleout a rêr sellet evel sinou a c'hlaos :

1. Ar gounabrennou bras, du, gris, spaçus er memes tra, pe dastumet evel menezioù pe reyer berniet.

2. Ur gounabrennic gris foncez pehini en em disques en un tol en abardaezioù an hân, var un oabr sclêr.

3. Ar gounabrennou en em dastum d'ar c'hostez control d'an avelioù Su ha Cornauc pe a so poulset dre avelioù control, evel ma zeo casi oll avelioù arneuec.

Ar gounabrennou a encern ar menezioù pe en em drein en dro dezo ouz en em sevel varzu o lein.

Ar gounabrennou o tont diouz ar Su, hac ar re pere, opposet d'an eol, a bresant liouyou ar ganeveden.

Lavaret a rêr peurvuia :

Deiz gouel Sant Medard, pa ra glao,

E ra daou-uguent deiz atao;

Ha deiz Sant Gerves, glao pa ve

E pad daou-uguent deiz goude.



PRONOSTICOU TENNET EUS AR GANEVEDEN.

Ar ganeveden diouz ar mintin (e cornauc) a verc glao.

Caneveden diouc'h ar mintin,

A so devez ar pelerin.

Ar ganeveden livet caer ha doubl, sin glao.

Ar ganeveden a baris meur a vech bemdez, sin glao
abondant ha cuntnuel.

Ar ganeveden goude ur sec'hor vras, sin glao abon-
dant.

Counabrennou disposet en curunennou, hac alies li-
vet a liouyou ar ganeveden, endro d'an eol ha d'al loar,
dreist oll pa sav an astrou-se, a so sinou glao abundant.

PRONOSTICOU EVIT AR SÊSONIOU.

Nevez-amzer glaoec : calz a foen, nebeut a hed.

Nevez-amzer yen : eost divezat.


Nevez-amzer tom : frouez prénvedec.

Nevez-amzer sec'h : hân humid.

Gouân humid : nevez-amzer humid.

Hân humid : discar-amzer sclêr.

Discar-amzer sclêr : nevez-amzer humid.



FIN.